

استنطاق ايدوب قالدرلنسنه امر ايلدكده يهوديه دن اينوب قېصريه ده
توقف ايتدى .

۲۰ ايمدى هيرووس صور ايله صيدا اهل بسنه كين طوتار ايدى . بونلر
دخى ولايتك ملكك (ديارندن) بسلنمى مناسبتيله بالاتفاق حضورينه

كلوب ملكك خاص اوطة باشيسي اولان پلاستوسى دوست ايدنمش

۲۱ اولغله مسالت طلب ايتديلر ✱ ايمدى معين بر كونده هيرووس

ملوكانه اثواب كيوب كرسيده او طوره رق بونلره خطاب ايدر ايكن

۲۲ ✱ تكري آوازيدر ادمك (آوازي) دكل ديو خلقك فرياد ايتدكلرنده

۲۳ ✱ اللهه حمد ويرمديكي ايچون ربك ملكى انى اورمغله قوردلر انى

يدكلرندن تسليم روح ايلدى .

۲۴ ۲۵ اللهك كلامى ايسه ارتوب ازدياد بولور ايدى ✱ و برناباس ايله

ساؤول خدمتى اتمام ايتدكده مرقس لقبلو يوحنايى دخى برابرجه

آلوب اورشليمدن عودت ايتديلر .

اون اوچنجي باب

۱ انطاكيه ده اولان كلېسه ده بعض پيغمبرلر ايله معلملر يعنى برناباس ايله

نيكر ديدكلرى سمعون و قيرينه لو قيقوس هم رئيس الزبع هيرووس

۲ ايله معاربتيه اولنمش منائن ايله ساؤول وار ايديلر ✱ ايمدى بونلر ربه

عبادت ايدوب اوروج طوتارلر ايكن روح القدس برناباس ايله ساؤولى

۳ دعوت اواندقلرى ايش ايچون بكا تفريق ايدك ديدى ✱ اولزمان

اوروج طوتوب دعا ايتدكده نصكره اوزرلر بنه اللرينى وضع ايتدكده يوله

۲۰) ۳ ملو ۱ و ۱۱ خز ۲۷ ۱۷ . (۲۴) ب ۷ ۶ و ب ۱۹ ۲۰ اشع ۱۱ ۵۵ قس ۲ ۶ . (۲۵) ب ۱۱ ۲۹ .

باب ۱۳ . سنه ۴۵ . (۱) ب ۱۴ ۲۶ . (۲) ب ۱۵ ۹ و ب ۲۲ ۲۱ مت ۱ ۳۸ روم ۱ ۲۰ ب ۱۰

۱۵ غطه ۱۵ و ب ۸ ۲ اس ۳ ۸ . طيم ۲ ۷ ۲ طيم ۱۱ ۱ . (۳) ب ۶ ۶ ب ۱۵ ۸ و ب ۱۴ ۲۶ .